

ԴԱՎԻԹ ԱՆՎԻԿԱՌԴՈՒ ԻՐԱՎԱՔԱՂԱՔԱԿԱՆ ՀԱՅԱՑՔԵՐԸ

Գ. 2. ՍԱՅԱՐՑԱՆ

Դավիթ Անվիկաորդին միջնադարյան Հայաստանի հայտնի մատենագիրներից և հասարակական գործիչներից մեկն է, որի կանոնների մասին առաջին անգամ տեղեկություն են տալիս նրա ժամանակակիցները:

Այսպես, XIII դարի պատմիչ Կիրակոս Գանձակեցին վկայում է. «Եւ զկնի ամի միոյ Դաւիթ վարդապետն, Արաւկայ որդի, որ գրեաց զկանոնական օրինադրութիւնս՝ գեղեցկարմարս և պիտանացուս ի խնդրոյ քահանայի միոյ, որում անուն էր Արքայութիւն, ի քաղաքէն Գանձակայ»¹: Վարդան Արեւիկցին, խոսելով Հովհաննէս Սարկավագի (Իմաստասեր) մասին, գրում է. «Իսկ Սարկաւագ վարդապետն կեցեալ է յիր մշակութեան զաւուրս իւր հանգաւ ի հինգհարիւր ութսուն և ութ թուին և զկնի ամի գոյ լծակիցն իւր Արաւկայ որդին Դաւիթ, որ կանոնք գրեաց դիւրահաս»²: Նրա ժամանակակից հիշատակագիրներից մեկը, խոսելով Արեւիկյան Հայաստանում աչքի ընկնող գործիչների մասին, նշում է. «էր և յարեւելս Սարկաւագ վարդապետն՝ Հաղբատեցին և անուանի Դաւիթ որդի Արաւկայ և այլ բազումք աշակերտք և ընկերակիցք սոցա»³: Դավիթ Անվիկաորդուն հիշատակում են նաև Մխիթար Այրիվանեցին, Ստեփանոս Օրբելյանը և այլք:

Ըստ հիշյալ պատմիչների հաղորդած տվյալների, Դավիթ Անվիկաորդին ծնվել է XI դարի 70—80-ական թթ. Գանձակ քաղաքում: Վախճանվել է 1140 թ.: Լինելով իր ժամանակի կրթված մարդկանցից, ինչպես նաև երկրի հասարակական-քաղաքական կյանքի ակտիվ մասնակիցներից մեկը⁴, նա խորապես մտահոգվել է հասարակական հարաբերությունների իրավական կարգավորման պրոբլեմներով, որի արգասիքն է հանդիսանում հայ իրականության մեջ առաջին աշխարհիկ օրենսդրությունը՝ ստեղծելու փորձը, թեպետև այն կոչվում է «Կանոններ» կամ «Կանոնական օրինադրություններ»: Ըստ պրոֆ. Ա. Աբրահամյանի, Դավթի «Կանոններին» ձևագրերի թիվը հասնում է 17-ի, որոնցից 15-ը գտնվում է Մաշտոցի անվան հին ձեռագրերի ինստիտուտում՝ Մատենադարանում, մեկը՝ Վենետիկի, մյուսը՝ Վիեննայի Մխիթարյանների մոտ⁵:

«Կանոնական օրինադրությունները» բաղկացած են 97 կանոններից, որոնք կարգավորում են քաղաքացիական, աշխատանքի պաշտպանության, ամուսնաբնական և քրեաիրավական հարաբերությունների բնագավառը: Կանոնների զգալի մասը վերաբերում է նաև այնպիսի հարցերի, որոնք կեն-

¹ Կիրակոս Գանձակեցի. Պատմություն Հայոց, աշխատասիրություն Կ. Ա. Մեւիթ-Օհանջանյանի. Երևան, 1961, էջ 116:

² Մեծի Վարդանայ Պատմութիւն տիեզերական. Մոսկվա, 1861, էջ 159:

³ Գարեգին Հովսեփյան. Հիշատակարանք ձեռագրաց. հ. Ա, Անթիլիաս, 1953, էջ 307:

⁴ Տե՛ս Կիրակոս Գանձակեցի, էջ 199:

⁵ Ա. Աբրահամյան. Դավթ Անվիկա որդու կանոնները, ուսումնասիրություն և բնագիր.—«Էջմիածին», սեպտեմբեր-հոկտեմբեր, 1952, հունվար, փետրվար, ապրիլ, 1953: Անգլերեն թարգմանությունը տե՛ս C. J. F. Dowsett. The Penitential of David of Ganjak. Louvain, 1961.

ցաղալին մաքրակեցության տեսանկյունից ժամանակի հասարակայնության համար կարևոր են եղել. օրինակ՝ «Մկնանկ» սննդի մասին կանոնները: Դավթի կանոնները կարևոր սկզբնաղբյուր են ինչպես հայ իրավունքի պատմության, այնպես էլ միջնադարյան Հայաստանի վարք ու բարքի, հասարակական-քաղաքական և իրավական ուսմունքների պատմության համար:

«Կանոնների» քննությամբ զբաղվել են ինչպես հայ, այնպես էլ եվրոպացի պատմաբաններն ու բանասերները, իրավաբաններն ու բժշկագետները: Ուսումնասիրողների տեսակետները կանոնների բնույթի, բովանդակության վերաբերյալ բաժանվում են երկու իրարամերձ կարծիքների: Գիտնականներից ոմանք՝ Մ. Չամչյանը⁶, Նոյմանը⁷, Զարբանալյանը⁸, Տաշյանը⁹ գտնում են, որ Դավթի կանոնները ըստ էության առանձին արժեք չեն ներկայացնում և, Չամչյանի արտահայտությամբ, «խառնիխուռն և անիմաստ բաներ են»:

Վերոհիշյալ հեղինակների կարծիքները ջանացել են ցրել անվանի հայագետներ Կ. Կոստանյանը¹⁰, Ղ. Ալիշանը¹¹, Մանուկ Աբեղյանը¹², իրավաբաններ Խ. Սամուելյանը¹³, Ա. Սուքիասյանը¹⁴, Ա. Թովմասյանը¹⁵, Խ. Թորոսյանը¹⁶:

Չհամաձայնվելով Չամչյանի, Նոյմանի, Զարբանալյանի տեսակետների հետ, Ա. Թովմասյանը նշում է. «Իրականում Դավթ Ալավկա որդու կանոնները որոշակի հետաքրքրություն ներկայացնող, սիստեմի բերված կանոններ են և նրանց մեջ խառնիխուռն ու անպետք ոչինչ չկա, մանավանդ, երբ այդ կանոնները քննության են առնվում իրենց գրելու ժամանակաշրջանի տնտեսական և հասարակական-քաղաքական պայմանների ֆոնի վրա»¹⁷:

Մենք հպանցիկ նշեցինք Դավթ Ալավկա որդու և նրա «Կանոնների» մասին մեզ հասած սկզբնաղբյուրները և ուսումնասիրությունները: Սակայն նշված հեղինակներից ոչ ոք այդ կանոնները հատուկ ուսումնասիրության առարկա չի դարձրել, այլ բավարարվել են այնքանով, որքանով որ այն աղբյուրվել է իրենց հետազոտման առարկայի հետ: Ներկա հոդվածը մի փորձ է սլարզաբանելու Դավթի հասարակական-քաղաքական և իրավական հայացքները, որոնք արժարժված են նրա քաղաքացիական, ամուսնաընտանեկան և քրեաիրավական նորմերում:

Խնդրո ժամանակաշրջանի հայ իրավաքաղաքական մտքի ներկայացուցիչները, այդ թվում և Դավթ Ալավկա որդին, բնականաբար, օլլատատիրական հասարակարգի պաշտպանն ու գաղափարախոսն էին: Նրանց հայացքները շաղխված են կրոնաաստվածաբանական դոգմաներով: Էնդելսը նշում է.

⁶ Չ. Չամչյանց. Հայոց պատմություն. հ. Գ, Երևան, 1981, էջ 41:

⁷ C. F. Neumann. Versuch einer Geschichte der armenischen Literatur. Leipzig, 1836. S. 163.

⁸ Գ. Զարբանալյան. Հայկական հին դպրութեան պատմություն. հ. Ա, Վենետիկ, 1889, էջ 535:

⁹ Յուզակ Հայկրէն ձևադրաց Մատենադարանին Մխիթարեանց ի Վիեննա. կազմեց հ. Յուկորոո վ. Տաշևան. Վիեննա, 1895, էջ 656:

¹⁰ Կ. Կոստանյան. Դավթ վարդապետ Ալավկա որդի.— «Աղագորհրան հանդես», ԺԴ դիրք, Թիֆլիս, 1907, էջ 105—132. ԺԵ դիրք, 1970, էջ 62—67:

¹¹ Ղ. Ալիշան. Հին հաւատը կամ հեթանոսական կրօնը Հայոց. Վենետիկ, 1910, էջ 395, 404, 414, 434:

¹² Մանուկ Աբեղյան. Երկեր. հ. Դ, Երևան, 1970, էջ 83—85:

¹³ Խ. Սամուելյան. Հին հայ իրավունքի պատմություն. հ. 1, Երևան, 1939, էջ 75:

¹⁴ Ա. Գ. Սուքիասյան. Կիրիկիայի հայկական պատմության և իրավունքի պատմություն. Երևան, 1978, էջ 227—228:

¹⁵ Ա. Թ. Թովմասյան. Հին և միջնադարյան հայ քրեական իրավունք. Երևան, 1962, էջ 117—125:

¹⁶ Хосров Торосян. Суд и процесс в Армении X—XIII вв. Ереван, 1985, с. 31.

¹⁷ Ա. Թ. Թովմասյան. նշվ. աշխ., էջ 120:

որ «միջին դարերի աստվածաբանությանը միացրին և նրա ենթաբաժինները դարձրին դադափարախոսության բոլոր ձևերը՝ փիլիսոփայությունը, քաղաքականությունը, իրավաբանությունը: Սրա հետևանքով հասարակական և քաղաքական ամեն մի շարժում հարկադրված էր կրոնական ձև ընդունել»¹⁸: Իսկ մեկ այլ առիթով նա ավելի ընդհանրացված ձևով նշում է, որ միջնադարում «քաղաքականությունն ու իրավագիտությունը, ինչպես և մնացած բոլոր գիտությունները քաջանաների ձեռքում աստվածաբանության հասարակ ճյուղեր դարձան և միմյանց սկզբունքներով ղեկավարվեցին, որոնք տիրում էին աստվածաբանության մեջ: Նկեղեցու դոգմաները միաժամանակ և քաղաքական արքայներ էին, իսկ աստվածաշնչի խոսքերն ամեն մի դատարանում: Երևնքի ուժ ունեին: Նույնիսկ այն ժամանակ, երբ արդեն կազմվել էր իրավաբանների սեփական դասը, իրավագիտությունը դեռ երկար ժամանակ մնում էր աստվածաբանության խնամակալության տակ»¹⁹:

Դավիթ Ալավկաորդին իր կանոններում արտահայտել է այնպիսի մտքեր, որոնք կենսական ու առաջադիմական են եղել իր ապրած ժամանակաշրջանում: Ինչպես իրավագիտունը նշում է միջնադարյան մշակույթի խոշոր մասնագետ Ա. Դուրևիչը, «...Մենք ոչինչ չենք հասկանա միջնադարյան մշակույթից, եթե սահմանափակվենք այն ըմբռնումով, թե այն ժամանակաշրջանում թավալորում էին տգիտությունն ու խավարամոլությունը, քանի որ բոլորը հավատում էին աստծուն. չէ որ առանց այդ «հիպոթեզի», որը միջնադարյան մարդու համար բնավ էլ «հիպոթեզ» չէր, այլ կանխադրույթ, նրա ողջ աշխարհաճանաչողության և բարոյական գիտակցության պարտադիր պահանջմունքը, նա ի վիճակի չէր բացատրել աշխարհը...»²⁰:

Խնդրո առարկա ժամանակաշրջանի հայ մշակույթում ընդհանրապես և հասարակական-քաղաքական ու իրավական ուսմունքներում մասնավորապես, նկատվում են աշխարհականացման որոշակի միտումներ: Ինչպես նշում է Մ. Աբեղյանը, «XI դարի առաջին կեսին արդեն մեր կյանքի ու մտածողության մեջ մտել էր մի հեղաշրջում, որով կրոնաճգնավորական ոգին տակավառ տակավառ տեղի էր տալիս մի ուրիշ ոգու դիմաց, և առաջ էր գալիս ինքնուրույն վերածնունդը, որից չէր կարող չազդվել և հոգևորականը»²¹:

Այժմ փորձենք վերլուծել Դավիթ Ալավկաորդու կանոններում շարադրված իրավաքաղաքական այն մտքերն ու գաղափարները, որոնք կենսական և առաջադիմական են եղել դարաշրջանի համար և որոնցում նկատվում են քաղաքական և իրավական երևույթների աշխարհականացման որոշակի միտումներ: Նախ, երկու խոսք, Դավիթ Ալավկաորդու «Կանոնների» աղբյուրների մասին: Կանոնների հիմնական աղբյուրներն են հանդիսանում սովորութային իրավունքը (ՄԱ կանոն և այլն), Հին և Նոր կտակարանները և, հատկապես, Մովսես Մարգարեին վերագրվող Հին կտակարանի հայտնի Հնգամատյանը (ՁԼ կանոն և այլն) և հայ կանոնական (եկեղեցական) իրավունքը (Մ, ԻԷ, ՂԲ կանոնները): Բացի վերջից, նա ուսումնասիրել և օգտագործել է հայ մատենագիրների, հատկապես փիլիսոփաների աշխատությունները (Ա կանոն), որոնք իրենց ազդեցությունն են թողել նրա աշխարհայացքի վրա:

Յուրացնելով հայ մատենագիտական, այդ թվում և փիլիսոփայական ժառանգությունը, Դավիթ Ալավկաորդին իր կանոններում արժարժանի իրավաքաղաքական մի շարք հարցերի մեկնաբանումը աղերսում է մարդու կամքի ազատության և, ամենից առաջ, բարու որպես սուբստանցիա և շարի որպես ոչ սուբստանցիա հասկացությունների հետ: Այսպես, խոսելով բարի և չար հասկացությունների մասին, Դավիթ Ալավկաորդին նշում է. «Քանզի Աստուած

18 Կ. Մ ա ք ք և Ա. Է ն գ ե լ ա. Ընտիր երկեր. հ. 2, Երևան, 1950, էջ 5:2:

19 Յ. Է ն գ ե լ ա. Գերմանական գյուղացիական պատերազմը. Երևան, 1943, էջ 47:

20 Ա. Յ. Գ у р е в н Կ. Категории средневековой культуры. М., 1972, с. 7.

21 Մ ա ն և Կ Ա բ ե ղ յ ա ն. Երկեր, հ. 2, էջ 17:

բարի է եւ ամենայն տուրք բարիք ... Եւ զի սկզբնատիպ բարոյ է Աստուած, ի բարոյ բարի ստեղծան արարածք, որպէս ի լուսոյ՝ լոյս։ Եւ ետես Աստուած զլոյսն զի բարի է։ Եւ ահա բարի են յոյժ ամենայնն, եւ չիք ինչ ի նոսա խոտան ըստ բնութեանն (Ա կանոն)։ Ինչպես տեսնում ենք, չարիքը, ըստ հեղինակի, սուրստանցիա չէ, քանզի աստված ի սկզբանե բարի է։ Այսպիսով, չարիքը աստծուց չի գալիս և ոչ էլ բնութիւնից, որովհետեւ ոչ մի չար քան չի կարող առաջանալ բարերար աստծուց, և ոչ էլ նյութից, որովհետեւ ի սկզբանե ոչ մի չար բան գոյութիւն չունի²²։

Ուրեմն չար արարքների աղբյուրը պետք է փնտրել մարդու գործողութիւնների մեջ, քանի որ օժտված է կամքի ազատութեամբ և, հետևաբար, աղատ է կատարելու բարի կամ չար արարքներ։ Ընդհանուր առմամբ և ընդհանուր պատկերացումներով չարիքը որոնում է բացառապես բանականութեամբ օժտված միակ էակի՝ մարդու գործողութիւններում, նա մարդուն է վերագրում նրա կամքի բարի և չար դրսևորումը²³։

Մարդու կամքի ազատության, բարի և չար արարքների մեկնաբանման վերոնշյալ տեսակետից Դավիթ Ալավկաորդին հշուտում է իր իրավաբանական գաղափարները, որոնք նա արտահայտել է ամուսնաբանական, քաղաքացիական, աշխատանքի պաշտպանության ավատատիրական օրինականութեան և քրեափրավական կանոններում։

Ամուսնաբանական իրավահարաբերությունները կարգավորող կանոնների թիվը հասնում է 25-ի։ Կանոնական և սովորութական իրավունքի վրա հիմնված այդ կանոնները կարգավորում են ամուսնության պայմաններն ու կարգը, ամուսինների փոխհարաբերությունները, ամուսնալուծության և հարակից այլ հարցեր։ Պետք է նշել, որ կանոններում բացակայում են ամուսինների, ծնողների և զավակների գույքային հարաբերությունները, խնամակալության, հոգաբարձության և որդեգրման ինստիտուտներին վերաբերող կանոնները։

Ամուսնաբանական կանոններում Դավիթ Ալավկաորդին արտահայտել է մի շարք առաջադիմական գաղափարներ, որոնց ակունքները հասնում են մինչև V դար, սակայն ուսումնասիրվող դարաշրջանում և նրանից հետո, այդ գաղափարները ոչ միայն չէին կորցրել իրենց հասարակական հնչողությունը և կենսական ուժը, այլև պահանջվում էր դրանց վերստին սանկցիավորումը կամ վերամշակումը։

Ըստ Դավիթ Ալավկաորդու, ամուսնությունը պետք է լինի փոխադարձ համաձայնությամբ (փոխադարձ հաճութեամբ)։ «... սուրբ հարկի տեսանի՝ մի պսակեցէ» (Ի՛նչ կանոն)։ Հիմնովի, այս նորմը իր ժամանակաշրջանի համար չափազանց առաջադիմական իրավանորմ էր, որի նշանակությունը և կարևորությունը ամուսնաբանական հարաբերությունների կարգավորման բնագավառում ակնհայտ է։

Ինչպես նշել ենք, դա նորություն չէ հայ իրականության մեջ։ Դեռ առաջին հայ հայրապետների և եկեղեցական ժողովներում քննարկված կանոններում բաղմիցս շեշտվել է, որ ամուսնությունը պետք է լինի փոխադարձ համաձայնության («հաճութիւն») հիման վրա, հակառակ դեպքում այն համարվում էր անվավեր²⁴։

Ինչ խոսք, հիշյալ իրավանորմը, ամենայն հավանականությամբ, բազմիցս ուսնահարվել է առերջու կյանքում, և հենց դա է պատճառ հանդիսացել,

22 Այստեղ Դավիթ Ալավկաորդին հետևել է V դարի հայ փիլիսոփա Եղնիկ Կողբացուն և դրեթե Բաղդադի որևէ կրկնում է բարու և չարի մասին եղնիկյան ուսմունքը։ Տե՛ս Եղնիկ Կողբացու. Եղծ աղանդոց. Երևան, 1970, էջ 33։

23 Վ. Կ. Չալոյան. Հայոց փիլիսոփայության պատմություն. Երևան, 1975, էջ 78։

24 Տե՛ս Սահակ Պարթևի կանոնախմբի Ի՛նչ կանոնը (Կանոնդիրը Հայոց, Երևան, 1964, Ա, էջ 382), Տե՛ս նաև Կանոնը Ներսէսի և Ներշապետի, Ի՛նչ կանոն (Կանոնդիրը Հայոց, Ա, էջ 487) և այլն։

որ: Դավիթ Ալավկաորդին վերստին սահմանելով այդ նորմը, կամեցել է այն բարձրացնել օրենքի աստիճանի և որանով իսկ պարտադիր դարձնել հայ իրականության մեջ:

Քրիստոնեությունը ընդհանրապես և հայ կանոնական իրավունքը մասնավորապես ամուսնությունը համարել են աստվածային հաստատություն և ձևավորել ամուսինների «ցկեանս միութեան» գաղափարը. «Ձոր Աստուած զուգեաց մարդ, մի մեկնեացէ» (Մատ., ԺԹ, 6): Աստվածաշնչի այս պատվիրանը բառացիորեն կրկնում է Դավիթ Ալավկաորդին իր Հ կանոնում: «Ձգիւհար կին չէ պարտ թողուլ, զի որ Աստուած զուգեաց, մարդ մի մեկնեացէ»: Այսինքն, կանոնադիրը նույնպես ընդունում է ամուսնության ցկեանս միութեան գաղափարը և, միաժամանակ, ելնելով այդ գաղափարից, սահմանափակում է անհիմն ամուսնալուծությունները: Այստեղից կարելի է եզրակացնել, որ նա մեծ նշանակություն է տալիս կայուն և համերաշխ ընտանիքների գոյությունը: Ամենից առաջ այդ հանգամանքը ի նկատի ունի կանոնադիրը, երբ սահմանում է ամուսնության մյուս կանոնները. ամուսնացող զուգերը պետք է որոշակի տարիքի լինեն, այնպիսի տարիքի, որ տարբերեն իրենց «աջ ու ձախը», այսինքն գիտակցեն իրենց կատարած քայլի նշանակությունը. «Այլ ոգորրագոյն մանկանս մի՞ ոք ի քահանայից յանձն առցէ հարսանեաց պսակ դնել նոցա մինչև լերկոտասան ամին, որ ճանաչեն զաջն ու զահակն» (ՂԲ կանոն):

Դավիթ Ալավկաորդին, ինչպես նշեցինք, դեմ էր անհիմն ամուսնալուծություններին: Այդ իսկ առթիվ, հատկանշական է, որ նա, հետևելով կանոնական իրավունքին²⁵, շրջությունը (ամուսնությունը) չի համարում որպես ապահարգանքի օրինական հիմք (տե՛ս Հ կանոնը):

Մեծ նշանակություն տալով դաստիարակչական և բարոյակրթական հարցերին, օրենսդիրը սահմանում է երեխաների ծրի ուսուցման գաղափարը. «Խլ քահանայ, վանական կամ աշխարհական, որք զմանկունս վարձու առնուն յուսումն, վաճառ և գին դնեն Աստուծոյ շնորհացն», ապա այդպիսի քահանաները պետք է «... ուծցին ի կարգէն»: Միայն կամավոր նվիրատվություններ կարելի է վերցնել, սակայն եթե «... տրտնջալով տացեն, մի՛ առնուցուն ի նոցանէ» (ԼԾ կանոն): Այդ հիրավի առաջադիմական գաղափարը նույնպես նորություն չէր հայ հասարակական-քաղաքական կյանքում²⁶, սակայն հիշյալ գաղափարը իրավական կաղապարի մեջ առնելով, նա ձգտել է բարձրացնել նորմի (որը, հավանաբար, հաճախակի էր ոտնահարվում) նշանակությունը, և պարտագրել դրա կիրառումը առօրյա կյանքում:

Կանգնած լինելով ավատատիրական իրավակարգի օրինականության դիրքերում, Ալավկաորդին միաժամանակ խստորեն դատապարտում է ավատատիրական հասարակարգի հոգի կողմերը և շարունակում ավատատիրերին, մասնավորապես վաշխառուներին, որոնք «վաշխ» են գանձում: Այդպիսիններին նա հավասարեցնում է ավաղակների և գողերի հետ. «... վաշխառուն ևս վաշկատուն կցորդ է ամենայն աւագակաց, որ ի լերինս կողոպտեն, և որմափոր գողոցն և կծծեաց, և որ տնանկացուցանեն և աղքատացուցանեն զմարդիկ, զի բնութեամբ ինքեանք մարդիկ են, բայց շար սովորութիւնս գառանք են և ոչ մարդիկ: Զի հնարին տալ զոսկին, ածին բնութեամբ և վաշխին ծնունդ պահանջեն, որ շար է, քան բռնաբար պտուղ առնուլ. սա ի սատանայէ շահասէր ուսոյց զմարդիկ և զրկող, կողոպտող և յափշտակող» (ՁԶ կանոն):

Դավիթ Ալավկաորդին սահմանել է աշխատանքի պաշտպանության կանոններ: Այսպես, ԽԳ կանոնի համաձայն, տեղը պարտավոր է կատարելիք աշխատանքի համար ծառային ծանոթացնել գործի հանգամանքների հետ և,

²⁵ Այսպես. «Հարանց հետեւողացի» Ե կանոնը կնոջ ամուսնությունը չի դիտում իբրև ամուսնալուծության հիմք, իսկ Աթանասի ՄԹ կանոնի համաձայն, «շնացող է» նա «թէ որ վասն ամուսնուան Լթող զկին իւր և առնէ կին ծննդկան» (Կանոնագիրք Հայոց. Ա, էջ 104, 315):

²⁶ Տե՛ս Սահակ Պարթևի Ժ կանոնը (Կանոնագիրք Հայոց, Ա, էջ 372—373):

դրանով իսկ. զերծ պահել դժբախտ պատահարից: Հակառակ դեպքում, եթե ծառային դժբախտ դեպք պատահի, ապա նրա տեղը լիովին պատասխանատվություն է կրում: Ահա այդ կանոնը. «...Այլ եթե ի գործս իւրեանց եկեսցէ որոգալթ մահու, անպարտք են տեարք նորա. մանաւանդ այնոքիկ, որ զպատրաստութեան պատուէրն հանապազ կացուցանեն ի լ-ելիս շնագանդելոց իւրեանց, ապա թէ հասարակ միաբանութեան սիրոյ ի խաղաղութեան մերոյ կենաց զընդդէմսն հրամայեն գործել տեարք ծառայից եւ անդ պատահիցէ ումեք մահ կամ սպանումն, մահապարտ է տէր նորա: Դարձեալ, եթէ ոք ի նոցանէ ծանուցանէ տեառն իւրոյ զվնաս նորա առաջիկայ եւ նա անհոգացեալ անպատրաստաբար առաքէ զնա ի գործ եւ պատահի զվնասն, յորմէ խիթայր. որ առաքեալն, արեամբ պարտ է: Իսկ եթէ ոք զայլ ոք որ ոչ իւր իցէ եւ առաքէ ի գործ իւր եւ անդ, որ որոգայթի, արեան պարտ է...» (ԽԳ կանոն):

Կանոնադիրը խստորեն արգելում է ինքնադատատանը, իսկ ինքնադատաստան տեսնողներին համարում է իսկական հանցագործներ. «Եթէ ոք զգող կամ շնացող ըմբռնէ առ իւր կին կամ աղային եւ սպանիցէ սպանող է: Զնոյն եթէ առ մայր կամ առ քոյր ըմբռնէ ի նոցանէ, թէ սպանանէ, արեան պարտ է եւ սպանանիցէ»:

Ինչպես նշել ենք, Ալավկաորդին ժխտում է շար արարքի, ուրեմն և հանցագործություն չստանալովն զոյություն գաղափարը («շարք ինչ ի նոսա խոտան ըստ բնութեան»), քանզի արարչագործությունից առաջ և մինչև Ադամի ու Եվայի օրինազանցությունը, ոչ մի շարիք գոյություն չի ունեցել (Ա կանոն): Այստեղից էլ շարիքը մարդու որոշակի բացասական գործողությունների հետևանք է, որը որպես սոցիալական երևույթ առաջացավ այն օրվանից. երբ մարդն իր ազատ կամքի շնորհիվ դարձավ անհնազանդ, օրինազանց: Հեղինակի այն բացատրությունը, թե հանցագործությունը ի վերուստ առաջացած երևույթ է, որ այն պայմանավորված է մարդկանց որոշակի գործողություններով ու պատճառներով (հարեցողություն, ազահություն, նենդություն, վրեժխնդրություն և այլն), իր ժամանակաշրջանի համար հանցագործության պատճառների գիտական մեկնաբանման փորձերից մեկն է ողջ միջնադարում:

Այդ կանոնները հանցագործության սուբյեկտ են ճանաչում միայն մարդուն, այն էլ մեղսունակ և որոշակի տարիքի հասած: Ինչպես հայտնի է հին և միջնադարյան օրենսդրությունում բազմաթիվ են այն նորմերը, որոնք հանցագործության սուբյեկտ են ճանաչել նաև կենդանիներին և, նույնիսկ, բնության ուժերն ու անշունչ առարկաները²⁷:

Կանոնական օրենսդրություններում կենդանիների և անշունչ առարկաների՝ որպես հանցագործության սուբյեկտներ չճանաչելու փաստը իր արտահայտությունն է գտել հատկապես ՂԶ կանոնում, որտեղ մասնավորապես նշված է. «Եթէ դէպ լինիցի՝ ծառոյ անկանել մարդոյ եւ մեռանել, կամ խեղդով կախել զծառէ, չկայ ինչ մեղանս տնկոյն, ղի անշունչք եւ անղայք են, ոչ ինչ եղեն պատճառ մահու նոցա, որ այնպես պատահեաց», որովհետև անշունչ առարկաները և կենդանիները «ոչ թէ մեղականք են, այլ ղի անաթք եղեն մեղականացն պղծութեան եւ սպանութեան»:

Ուրեմն անասուններին, անշունչ առարկաները պետք է ոչնչացնել, «պատժել» ոչ թե նրա համար. որ նրանք «մեղականք են», այլ որպես հանցագործության առարկաներ, որոնք ճակատագրի կամ պատահարի բերումով դարձել են այդպիսին: Մարդկանց քրեական պատասխանատվության ենթարկելու հարցում Դավիթ Ալավկաորդին դրել է սուբյեկտիվ մեղքը իր ձևերով. դիտավորություն («գիտութեամբ»), անզգույշ («անգիտութեան») և խառն:

Մեղքի հիշյալ ձևերը իրենց արտահայտությունն են գտել նրա մի շարք կանոններում, մասնավորապես արդեն մեջբերված ԽԳ կանոնում: Հիշյալ կանոնից հետևում է, որ երբ մարդը նախատեսում է իր գործողության (կամ

²⁷ См. Н. Канторович. Процессы против животных в средние века. СПб., 1897; Курс советского уголовного права. Часть общая. Т. I, Л., 1968, с. 395.

անգործության) հետևանքները, ապա նա պատասխանատվության է ենթարկվում որպես կանխամտածված, դիտավորությանմբ սպանություն կատարող: Սակայն երբ մարդը չի նախատեսում այդ հետևանքները, բայց պարտավոր էր նախատեսել, կամ օբյեկտիվորեն հնարավոր էր դրանց կանխատեսումը, ապա նա համարվում է անզգուշությանմբ սպանություն կատարող: Իսկ երբ գործողության կամ անգործության ժամանակ մարդը չի նախատեսում հետևանքները և օբյեկտիվորեն անհնար էր կանխատեսել այդպիսի հետևանքները, ապա մարդը ընդհանրապես պատասխանատվության չի ենթարկվում: Այլ կերպ ասած, այստեղ գործում է ռեկա մեդք, չկա նաև պատասխանատվություն» առաջադիմական սկզբունքը:

Մարդուն քրեական պատասխանատվության ենթարկելու համար անհրաժեշտ է նաև, որ նրա գործողության կամ անգործության և առաջացած հանցավոր հետևանքի միջև լինի պատճառական կապ: Այդ ոգով է տոգորված ևս՝ կանոնը. «Այլ եթե մարդու լինի շողի խեղ ձի կիցս ընկեց, կամ մարդակեր, կամ եզն հարկանող եւ անգիտասցէ եւ այլք աղղեսցեն նմա, ըողոր բարձեալ դվնասն ցուցանիցեն, եւ նա յանհոգս գայցէ ոչ հնարեսցի զնա որպէս արժան է, սպանցէ զոր, տէր նորա մահապարտ է»:

Այսինքն, անձը պատասխանատվության է ենթարկվում միայն այն դեպքում, երբ նրան ժամանակին զգուշացրել են իր կենդանիների գործողություններից բխող վտանգավոր հետևանքների մասին: Նման դեպքում անձի հանցավոր անտարբերության և առաջացած հետևանքի միջև առկա է պատճառական կապը: Հակառակ դեպքում քրեական պատասխանատվության մասին խոսք լինել չի կարող:

Ի՞նչ կանոնի ավելի հստակ կերպով է ազդարարում, որ եթե անձի կատարած արարքի և առաջացած հետևանքի միջև պատճառական կապը բացակայում է, ապա անձն անմեղ է և պատասխանատվության չի ենթարկվում. «Այլ հայր մանկան գնացեալ իցէ առ գինըմպուս կամ գործ ինչ եւ մանուկ սորա անկատար դիմեալ առ հայր իւր եւ հեղձեալ ի գետ. զի ոչ գիտաց ի նոցանէ. անպատուհաս են վասն անգիտութեանն...», սակայն «...վասն արբեցութեան, զի եղեն պատճառ կորստեան մանկանն...», ենթակա են պատժի. ասել է թե, արարքի և հետևանքի միջև կա պատճառական կապ, ապա անձը պետք է պատասխանատվության ենթարկվի:

Դավիթն իր կանոններում շարադրել է նաև քրեական իրավունքի կարևորագույն ինստիտուտներից մեկը՝ անհրաժեշտ պաշտպանության իրավունքը: «Այլ թէ յանաւրինաց արշաւանս առնիցեն առանց պատճառի ի վերայ քրիստանէից եւ ի ընդդիմամարտելն սպանութիւն հանդիպի, անպարտ են...» (ՄԻ կանոն): Ելնելով անհրաժեշտ պաշտպանության իրավունքից, նա արդարացի և օրինական է համարում օտար նվաճողների դեմ պայքարը:

Քրեական պատիժ նշանակելու հարցում ևս Դավիթ Ալավկաորդին սահմանել է մի շարք խելացի և մարդասիրական սկզբունքներ: Պատիժ սահմանելիս պետք է հաշվի առնել ինչպես պատասխանատվությունը մեղմացնող, այնպես էլ ծանրացնող հանգամանքները: Պատիժը մեղմացնող հանգամանքներից են անզգուշ (սակամա) հանցագործությունները: Պատիժը ծանրացնող հանգամանքներից են. երբ հանցագործությունը կատարվում է դաժանաբար («անխնայ», «գաղանաբար», ՄԷ կանոն), երբ հանցագործությունների կատարումը շարունակվում է երկար ժամանակ (սգլերկարութեան ժամանակն լինիլ), ռեցիդիվ (սանթժկելիլ) հանցագործների կողմից կատարված, հարբած վիճակում կատարած, ինչպես նաև դիտավորությանմբ կատարված հանցագործությունները:

Լինելով հայ քրիստոնեական եկեղեցու ներկայացուցիչներից մեկը, Դավիթ Ալավկաորդին, բնականաբար, դրսևորում է որոշակի անհանդուրժողականություն ժամանակաշրջանի աղանդների (թոնդրակյան շարժման մասնակիցների) և այլակրոնների (մահմեդականների) նկատմամբ: Ինչպես հայտնի է, թոնդրակյան շարժման ալիքները հասել էին նաև Հայոց Աղվանքի գա-

վառները²⁸, այդ են վկայում ՂԵ և ՂԶ կանոնները: Նա թողնողական աղանդի հետևորդներին անվանում է մանրեականություն, վալենտինականություն և մծղենականության աղանդների «աշակերտք»: Այդ աղանդավորներին նա համարում է պիղծ ու ամբարիշտ, որոնց համայնքներում տիրում են սեռական սանձարձակությունն ու այլասեռվածությունը: Հերձվածողները խառնակիչ են, գրում է նա, որոնք խախտում են եկեղեցու միաբանությունը, եղբայրներին ու հարազատներին հանում են միմյանց դեմ և նրանց մեջ սերմանում անհաշտ խռովություն ու կոռիվ:

Աղանդավորներին նա վերագրում է զանազան հմայություններ ու սեռապաշտություններ: Ալավկաորդին լավ է հասկանում, թե ամենից առաջում դեմ է ուղղված նրանց շարժումը և առաջարկում է՝ «Այսպիսեայ դեղատուլաց աղուէսադորոշմ դնեն ի ճակատի և զջիլ ոտիցն հատանեալ և յուրկանոց տալ»: Սակայն հիշյալ կանոնները արժեքավոր են հատկապես իրենց վկայությամբ այն մասին, որ աղանդավորներն իրենց ճնոր Եւ այլանդակ ուսմունքով սատանայի աշակերտներ էին և իրենց «այլանդակ ուսմունքը» գրեցին մագաղաթների վրա ի հիշատակ գալիք սերունդների: Հիշյալ կանոնները վկայում են այն մասին, որ աղանդավորներն ունեցել են իրենց որոշակի գաղափարախոսությունը, համայնքի անդամների վարքագիծը կարգավորող նորմերն ու կանոնները, որոնք, ամենայն հավանականությամբ, պարտադիր էին համայնքի բոլոր անդամների համար:

Ալավկաորդու մտավախությունը այն մասին, թե նրանք ուսմունքը գրի առնելով ամոթալի հիշատակ թողեցին գալիք սերունդներին և անմիտները նույնպես պիտի հետևեն «այլանդակ» ուսմունքին, խզուր էր: Տիրապետող դասակարգը դաժանորեն ճնշեց և ոչնչացրեց ոչ միայն աղանդի համայնքները, այլև նրանց թողած գրավոր վկայությունները իրենց գաղափարախոսության, համայնքը կարգավորող նորմերի և կանոնների բովանդակության մասին՝ գալիք սերունդներին զրկելով պատմական և գիտական տեսանկյունից մեծ նշանակություն ներկայացնող հուշարձաններից:

Դավիթ Ալավկաորդու կանոնները որոշակի խտրականություն են դրսևավորում մահմեդականների նկատմամբ, նույնիսկ հետապնդելի ու պատմելի հայտարարում այլակրոնների ու այլազգիների հետ շփվելը, նրանց հետ հարաբերություններ ու կապեր ունենալը²⁹, Այսպես, ԽԱ կանոնը սահմանում է. «Այլ վասն գողոց ի փայտ հանելոյ, եթէ քուրդ իցէ եթէ հայ, և մարդոյ հրամայիցեն ի փայտ հանել, թէ հնար իցէ խոյս տացէ ի տեղոջն, ապա թէ՛ ոչ՝ կաշառով զերծցին: Իսկ եթէ այսու ոչ աւգնեսցեն, ապա զհրամայեալսն ի տեղանց պարտ է կատարել, այլ ոչ առաւելութեամբ, որպէս հրամայէ Յովհաննէս զինւորացն, թէ մի առաւել քան զհրամայեալսն առնիղէք, քանզի Աստուած ի սիրտն հայի, որպէս ասէ Տէր»:

Ինչպես նշում է էմ. Ա. Պիվադյանը, «Դավթի կանոնի տպագրութեամբ «և մարդոյ» պետք է լինի «և հայ մարդոյ»³⁰, որը ավելի ցայտուն կերպով է արտահայտում հայի և օտարականի միջև եղած խտրականությունը: Նման դիրքորոշումը քաղաքական առումով իր պատճառներն ունի: Նախ, նրա ապրած ժամանակաշրջանում երկիրը գտնվում էր սելջուկ-թուրքերի դաժան տիրապետության տակ, որտեղ ոտնահարված էին քրիստոնյա բնակչության ամենատարրական իրավունքները, ամենուր սով էր և կոտորած: Այսպիսի զարհուրելի իրադարձությունների ժամանակ է ապրել և ստեղծագործել Դավիթ Ալավկաորդին և, հետևաբար, ամենևին էլ զարմանալի չպետք է թվա

²⁸ Տե՛ս «Հայ ժողովրդի պատմություն», հ. 4, 1976, էջ 302, Ս. Պ. Պողոսյան. Գյուղացիների նորտացումը և գյուղացիական շարժումները Հայաստանում IX—XIII դարերում. Երևան, 1956, էջ 413—414:

²⁹ Տե՛ս ԺԶ, ԺԷ, ԺԸ, Ի, ԻԱ կանոնները:

³⁰ Էմ. Ա. Պիվադյան. Մխիթար Գոշի դատաստանագրքի բանասիրական լինություն. Երևան, 1957, էջ 163—164:

կանոններում շեշտված որոշակի անհանդուրժողականությունը այլակրոնների նկատմամբ:

Երկրորդ կարևոր պատճառը դա մահմեդականների շեշտված կրոնական և ազգային թշնամական գաղափարախոսությունն էր ընդդեմ քրիստոնյա ընկալություն: Ինչպես հայտնի է, համաձայն իսլամի բոլոր երկրներն ու ժողովուրդները ըստ դավանանքի բաժանվում են երկու խմբերի. «Իսլամի աշխարհ» և «պատերազմի աշխարհ», որտեղ մտնում են ոչ մուսուլման ժողովուրդները: Դրան համապատասխան խիստ խտրականությամբ է աչքի ընկնում մուսուլմանների և ոչ մուսուլմանների իրավական դրությունը³¹: Այդ առթիվ Կ. Մարքսը նշել է. «Իսլամը... ստեղծում է անընդմեջ թշնամություն մուսուլմանների և անհավատների միջև»³²:

Այս տեսանկյունից նայելով հարցին, Դավիթ Ալավկաորդին, ինչպես և քրիստոնեական վարդապետության մյուս ներկայացուցիչները, անհաշտ գաղափարական պայքար էին մղում իսլամի ու ղուրանի դեմ, այդ պայքարում օգտագործելով նաև պետական-իրավական ինստիտուտներն ու գաղափարները:

Սակայն, դրանով հանդերձ, միջնադարյան հայ իրավունքը նսեմացած և իրավադուրկ իրավական դրություն չի սահմանել մուսուլմանների նկատմամբ³³: Դավիթ Ալավկաորդու՝ վերոնշյալ գործոններով պայմանավորված որոշակի իրավական սահմանափակումները սոսկ պատասխան միջոցառումներ էին, և, նույնիսկ, ոչ այն չափով ու ծավալով, որ գոյություն ունեւր մուսուլմանական իրավունքում:

Մի շարք կանոններ Դավիթ Ալավկաորդին նվիրել է սկնանկության և դանդաղ ալ կենդանիների՝ կողմից սննդամթերքները պղծելու հարցին: Հիշյալ կանոններով Դավիթ Ալավկաորդին պայքարել է գոյություն ունեցող վատ սովորությունների և ապականված բնորոշ դեմ, որոնք կենցաղային մաքրակեցության և առողջապահական հիգիենայի տեսանկյունից ժամանակի համար կարևոր են եղել³⁴:

Դնահատելով Դավիթ Ալավկաորդու հասարակական-քաղաքական և իրավական հայացքները, ինչպես նաև նրա «Կանոնների» տեղը միջնադարյան հայ իրավաբանական մտքի և իրավական հուշարձանների շարքում, անպայման պետք է նշել, որ իր կանոններում Դավիթը առաջ է քաշել, ինչպիսի տեսանք, իրավաքաղաքական մտքի մի շարք գաղափարներ, որոնք սուղիս անգամ էին արժարժվում հայ աշխարհիկ իրավական մտքի պատմության մեջ (համեմատյալ դեպս, մեղ հասած աղբյուրներում):

Եթե գործող հայ կանոնական իրավունքի հավաք-օրինացը՝ «Կանոնագիր» Հալոց»-ը կարգավորում էր բացառապես կրոնական-դավանաբանական և մասամբ ամուսնաընտանեկան հարաբերությունները, ապա Դավիթ Ալավկաորդին իր «Կանոններով» դուրս եկավ այդ շրջանակներից և ընդգրկեց նաև որոշակի քաղաքացիական և քրեաիրավական ընդլայն հարցեր և դնաց այդ իրավահարաբերությունների կարգավորման, Ռանուկ Աբեղյանի խոսքերով՝ ասած՝ «աշխարհականացման» ճանապարհով:

31 Տե՛ս Բ. Սարկիս. Мусульманское право. М., 1959; Г. Керимов. Шариат и его социальная сущность. М., 1978; А. Массэ. Ислам. М., 1961; М. Садагар. Основы мусульманского права. М., 1968; Ислам. религия, общество, государство. М., 1984; Л. Р. Сюкияйнен. Мусульманское право. М., 1986.

32 К. Маркс, Ф. Энгельс. Соч. т. 10, с. 167.

33 Այդ մասին մանրամասն տե՛ս Մ խ ի Բ ա Ր Գ ո շ. Գիրք դատաստանի, աշխատասիրությանը հոսուով Թորոսյանի. Երևան, 1975, Առաջադանք, էջ 1—1Ա:

34 Այդ մասին տե՛ս Կ. Մ ա կ ա Ր յ ա ն. Նյութեր Հայաստանի դատական բժշկության պատմությունից.—ՀՄԴ ԳԱ «Տեղեկագիր» (հաս. գիտ.), 1956, էջ 10:

ПОЛИТИКО-ПРАВОВЫЕ ВЗГЛЯДЫ ДАВИДА, СЫНА АЛАВИКА

Г. Г. САФАРЯН

Резюме

Давид, сын Алавика—один из видных представителей политико-правовой мысли в Армении в эпоху развитого феодализма. Давид родился в Гандзаке в 70—80-х гг. XI в. Дата его рождения не известна, но известно, что в 1140 г. его уже не было в живых. Каноны Давида были первым опытом кодифицирования армянского феодального права. Их число достигало 97. В них содержатся нормы по гражданскому, семейному, уголовному праву. Давид выражает весьма прогрессивные для своей эпохи мысли— о свободе воли, о некоторых причинах преступности, о видах вины в уголовно-правовом смысле, об охране труда. Каноны Давида направлены против суеверия, симонии (продажи духовного сана), продажности судей. Значительное место отведено в них вопросам врачевания и биологии, гигиены и нравственности. Каноны Давида оказали заметное влияние на армянское правотворчество в последующую эпоху. Некоторые из них Мхитар Гош включил в свой Судебник.

Հեղինակի խնդրանքով հաղվածի հանրաժողով-
խանգվում է երկրաչափական տարածքների օգնությամբ
ֆունդի: